

0.0.1 vālasuttaṃ

1. ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. atha kho āyasmā ānando pubbaṇhasamayaṃ nivāsetvā pattacīvaramādāya vesāliṃ¹ piṇḍāya pāvisi. addasā kho āyasmā ānando sambahule licchavikumārake santhāgāre upāsanaṃ karonte dūratova sukhumena tālacchiggalena asanaṃ atipātente poṅkhānupoṅkhaṃ² avirādhitaṃ, disvānassa etadahosi: "sikkhitāvatime licchavikumārakā susikkhitā vatime licchavikumārakā. yatra hi nāma dūratova sukhumena tālacchiggalena asanaṃ atipātessanti poṅkhānupoṅkhaṃ avirādhitanti. "

2. atha kho āyasmā ānando vesāliyaṃ piṇḍaya caritvā pacchābhantaṃ piṇḍapātapaṭikkanto yena bhagavā tenupasaṃkami. upasaṃkamitvā bhagavantaṃ abhivādetvā ekamantaṃ nisīdi. ekamantaṃ nisinno kho āyasmā ānando bhagavantaṃ etadavoca: "idhāhaṃ bhante, pubbaṇhasamayaṃ nivāsetvā pattacīvaramādāya vesāliṃ piṇḍāya pāvisiṃ. addasaṃ khvāhaṃ bhante, sambahule licchavikumārake santhāgāre upāsanaṃ karonte. dūratova sukhumena tālacchiggalena asanaṃ atipātente poṅkhānupoṅkhaṃ avirādhitaṃ. disvāna me etadahosi, sukkhitā vatime licchavikumārakā. susikkhitā vatime licchavikumārakā. yatra hi nāma dūrato va sukhumena tālacchiggalena

¹vesāliyaṃ-sī 1, syā.

²pokhānupokhaṃ-syā.

asanam atipāteṣṣanti poṅkhānuponkham avirādhitanti".

3. tam kiṃ maññasi ānanda, katamam nukho dukkarataram vā durabhisambhavataram vā, yo ca dūratova sukhumena tālacchiggalena asanam atipāteyya poṅkhānuponkham avirādhitam. yo vā satadhā³ bhinnassa vālassa koṭiyā koṭiṃ paṭivijjhayyāti? etadeva bhante, dukkarataram ceva durabhisambhavataram ca yo vā satadhā bhinnassa vālassa koṭiyā koṭiṃ paṭivijjhayyāti. atha kho te ānanda⁴ duppaṭivijjhataṃ paṭivijjhanti ye⁵ "idaṃ dukkha"nti yathābhūtaṃ paṭivijjhanti⁶ "ayaṃ dukkhasamudayoti" yathābhūtaṃ paṭivijjhanti "ayaṃ dukkhanirodhoti" yathābhūtaṃ paṭivijjhanti "ayaṃ dukkhanirodhagāminī paṭipadā"ti, yathābhūtaṃ paṭivijjhanti.

4. tasmātiha ānanda, "idaṃ dukkha"nti yogo karaṇīyo "ayaṃ dukkhasamudayoti"yogo karaṇīyo "ayaṃ dukkhanirodhoti" yogo karaṇīyo "ayaṃ dukkhanirodhagāminī paṭipadā"ti yogo karaṇīyoti.

pts page 454

³sattadhā-machasaṃ, syā, aṭṭhakathā.

⁴atha kho ānanda-machasaṃ.

⁵yo-syā, sī 1, 2.

⁶paṭivijjhanti-syā, sī 1, 2.